

ԿԱՆՈՆԱԴՐՈՒԹՅՈՒՆ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ
ԶԵՌՆԵՐԵՑՈՒԹՅԱՆ ԶԱՐԳԱՑՄԱՆ ՎԱՐՉՈՒԹՅԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Ձեռներեցության զարգացման վարչությունը (այսուհետ՝ Վարչություն) հանդիսանում է Հայաստանի Հանրապետության Էկոնոմիկայի նախարարության (այսուհետ՝ Նախարարություն) հիմնական մասնագիտական կառուցվածքային ստորաբաժանում:

2. Վարչությունն իր գործունեությունն իրականացնելիս ղեկավարվում է Հայաստանի Հանրապետության Սահմանադրությամբ, օրենքներով, այլ իրավական ակտերով, Նախարարության կանոնադրությամբ և սույն կանոնադրությամբ:

3. Վարչության կանոնադրությունը հաստատում, փոփոխում և ուժը կորցրած է ճանաչում Նախարարը՝ Նախարարության գլխավոր քարտուղարի ներկայացմամբ:

II. ՎԱՐՉՈՒԹՅԱՆ ՀԻՄՆԱԿԱՆ ԽՆԴԻՐՆԵՐԸ ԵՎ ՆՊԱՏԱԿՆԵՐԸ

4. Վարչության հիմնական խնդիրն ու նպատակն է՝

իր իրավասության շրջանակներում Հայաստանի Հանրապետության օրենսդրությամբ Նախարարությանը ձեռներեցության, այդ թվում՝ փոքր և միջին ձեռնարկատիրության զարգացման, Հայաստանի Հանրապետությունում փոքր և միջին ձեռնարկատիրության աջակցման ծրագրեր իրականացնող միջազգային կազմակերպությունների հետ համագործակցության խորացման, ստեղծարար արդյունաբերության զարգացման, ձեռնարկատիրության ոլորտում տեխնոլոգիական վերազինման և ինովացիոն լուծումների ներդրման, այդ թվում՝ մասնավոր հատվածի ծրագրերը խթանող գործիքակազմի կիրառման ուղղությամբ վերապահված լիազորությունների լիարժեք և արդյունավետ իրականացման ապահովումը:

III. ՎԱՐՉՈՒԹՅԱՆ ԳՈՐԾԱՌՈՒՅԹՆԵՐԸ

5. Վարչության գործառույթներն են՝

1) ձեռնարկատիրության ոլորտում տեխնիկատեխնոլոգիական վերազինման և ինովացիոն լուծումների ներդրման քաղաքականության, այդ ուղղությամբ մասնավոր հատվածի ծրագրերը խթանող գործիքակազմի կիրառման ապահովմանն ուղղված

նպատակային ծրագրերի, ձեռնարկատիրության ոլորտում ինովացիոն լուծումների ներդրման աջակցության հիմնական մեխանիզմների, ուղղությունների, գործողությունների մշակումը և դրանց իրականացման դիտանցումը.

2) ձեռնարկատիրության ոլորտում ինովացիոն գործունեությանը, ինովացիոն արդյունքի առևտրայնացմանը, ինովացիոն նախագծերի և ծրագրերի իրականացմանն ու առաջադեմ տեխնոլոգիաների ներդրմանն աջակցելը.

3) ձեռնարկատիրության ոլորտում ինովացիոն ենթակառուցվածքների ձևավորմանն ու զարգացմանն ուղղված նպատակային ծրագրերի մշակումը և դրանց իրականացման համակարգումը.

4) ձեռնարկատիրության ոլորտում ինովացիոն կարողությունների զարգացմանն ու ոլորտի որակյալ կադրերի պատրաստմանն ու վերապատրաստմանն ուղղված ծրագրերի իրականացմանն օժանդակելը.

5) ձեռնարկատիրության ոլորտում տեխնոլոգիական վերազինման և ինովացիոն լուծումների ներդրման ուղղությամբ մասնագիտացված վերազգային ընկերությունների՝ Հայաստան ներգրավմանը, ոլորտի զարգացմանն ուղղված ծրագրերի իրականացմանը, հայկական ընկերությունների գլոբալացման խթանմանը, ոլորտի նորաստեղծ ընկերությունների զարգացմանն աջակցելը.

6) շահագրգիռ մարմինների հետ համատեղ ձեռնարկատիրություն-գիտություն-կրթություն կապերի ընդլայնման քաղաքականության մշակմանը, դրա իրականացման դիտանցմանը մասնակցությունը, ձեռնարկատիրություն-գիտություն-կրթություն կապերի խորացմանն աջակցելը.

7) ձեռնարկատիրության ոլորտում տեխնոլոգիական վերազինման և ինովացիոն լուծումների ներդրման ուղղությամբ միջազգային համագործակցության ակտիվացմանն ուղղված աշխատանքների ապահովումը, ոլորտային համագործակցության ծրագրերի իրականացման համակարգումը.

8) ստեղծարար արդյունաբերության ոլորտի զարգացման քաղաքականությանն ու նպատակային ծրագրերի մշակումը և դրանց իրականացման դիտանցումը.

9) ձեռներեցության զարգացման քաղաքականության մշակումը և իրականացումը.

10) ձեռներեցության զարգացման պետական աջակցության տարեկան ծրագրի մշակումը, վերջինիս իրականացման ընթացքի նկատմամբ մոնիթորինգի իրականացումը, հաշվետվությունների ստացումը և դրանցում պարունակվող տեղեկությունների վերլուծությունը.

11) ձեռներեցության աջակցության գործիքների մշակումը, ըստ անհրաժեշտության առկա գործիքակազմի փոփոխության կամ նոր գործիքակազմի ներդրման վերաբերյալ առաջարկությունների ներկայացումը.

12) պետություն-մասնավոր հատված երկխոսության, համապատասխան վիճակագրական տվյալների և այլ վերլուծությունների իրականացման արդյունքում ձեռներեցության զարգացմանը խոչընդոտող գործոնների բացահայտումը ու դրանց հաղթահարման ուղղությամբ առաջարկությունների մշակումը.

13) Հայաստանի Հանրապետությունում ձեռներեցության աջակցման ծրագրեր իրականացնող և միջազգային կազմակերպությունների հետ համագործակցության խորացումը և իրականացվող աջակցության ծրագրերի համակարգումը՝ Հայաստանի Հանրապետության կառավարության կողմից նույն ուղղությամբ վարվող քաղաքականության նպատակներին համադրման և ներդաշնակեցման միջոցով, Հայաստանի Հանրապետության կառավարության կողմից ստեղծված՝ ձեռներեցությանն աջակցող կառույցների և նախարարության փոխհարաբերությունների խորացումը.

14) Հայաստանի Հանրապետությունում ձեռներեցության աջակցման ծրագրեր իրականացնող օտարերկրյա և միջազգային, ինչպես նաև մասնավոր կազմակերպությունների կողմից իրականացվող ձեռներեցության աջակցման ծրագրերի և միջոցառումների վերաբերյալ տեղեկատվական բազայի (ռեեստրի) ձևավորումը և մշտադիտարկումը, աջակցության ծրագրերի կրկնությունների բացառմանն ուղղված աշխատանքների իրականացումը.

15) Հայաստանի Հանրապետությունում ձեռներեցության աջակցման ծրագրեր իրականացնող օտարերկրյա և միջազգային, ինչպես նաև մասնավոր կազմակերպությունների հետ համագործակցության խորացումը, վերջիններիս կողմից իրականացվող ձեռներեցության աջակցման ծրագրերի և միջոցառումների միջոցով Հայաստանի Հանրապետությունում ձեռներեցությամբ զբաղվել ցանկացող և արդեն իսկ զբաղվող սուբյեկտների շրջանակի ընդլայնման ուղղությամբ աշխատանքների իրականացումը.

16) ձեռներեցության զարգացման խորհրդի նիստերի անցկացման նախապատրաստումը՝ ապահովելով օրակարգում ներառված հարցերի՝ շահագրգիռ կառույցների հետ նախապես քննարկումը, համաձայնեցումը և վերլուծումը.

17) միջազգային պրակտիկայում առկա և Հայաստանի Հանրապետության նկատմամբ կիրառվող՝ ձեռներեցության պայմանները գնահատելու հարցումների

մեթոդաբանությունների ուսումնասիրումը, Հայաստանի Հանրապետության վերաբերյալ տրված գնահատականների պատճառների վերլուծությունը և անհրաժեշտ բարեփոխումներին ուղղված միջոցառումների վերաբերյալ առաջարկությունների ներկայացումը.

18) ձեռներեցությամբ զբաղվող սուբյեկտների և քաղաքացիների կողմից հարցումների ստացումը, դրանց վերաբերյալ պարզաբանումների և պատասխանների պատրաստումը, անհրաժեշտության դեպքում դրանցից բխող քայլեր կատարելու (այդ թվում՝ օրենսդրական փոփոխությունների) վերաբերյալ առաջարկությունների ներկայացումը.

19) ձեռներեցությամբ զբաղվող սուբյեկտների սահմանմանը համապատասխան՝ ձեռներեցության ոլորտի վերաբերյալ վիճակագրության վարումը.

20) վարչության օպերատիվ աշխատանքների կազմակերպման ու ոլորտի վերաբերյալ անհրաժեշտ տեղեկատվության տրամադրման ապահովումը.

21) Հայաստանի Հանրապետության օրենսդրությամբ նախատեսված՝ նախարարության կանոնադրական խնդիրներից բխող այլ գործառույթների իրականացումը:

IV. ՎԱՐՉՈՒԹՅԱՆ ԱՇԽԱՏԱՆՔՆԵՐԻ ԿԱԶՄԱԿԵՐՊՈՒՄԸ ԵՎ ՂԵԿԱՎԱՐՈՒՄԸ

6. Վարչության ընթացիկ գործունեությունը կազմակերպում և ղեկավարում է վարչության պետը:

7. Վարչության պետը՝ ենթակա և անմիջական հաշվետու է նախարարին, հաշվետու է նախարարության գլխավոր քարտուղարին, ոլորտը համակարգող նախարարի տեղակալին:

8. Վարչության պետի բացակայության դեպքում նրան փոխարինում է վարչության պետի տեղակալը, իսկ նրա բացակայության դեպքում վարչության գլխավոր մասնագետներից մեկը՝ վարչության պետի ներկայացմամբ:

9. Վարչության կողմից պատրաստված ներքին գրությունները ստորագրվում են Վարչության պետի, իսկ վերջինիս բացակայության դեպքում նրան փոխարինողի կողմից:

10. Վարչության աշխատողներն անմիջականորեն ենթակա և հաշվետու են Վարչության պետին:

11. Վարչության աշխատողները կարող են ընդգրկվել Հայաստանի Հանրապետության կառավարության և Հայաստանի Հանրապետության վարչապետի որոշումներով ստեղծվող միջգերատեսչական հանձնաժողովներում և այլ աշխատանքային խմբերում:

12. Վարչության պետի և աշխատողների աշխատանքի կազմակերպման և ղեկավարման պատասխանատվության, որոշումներ կայացնելու լիրազորությունների, շփումների և նեկայացուցչության խնդիրների բարդության և դրանց ստեղծագործական լուծման, գիտելիքների և հմտությունների, իրավունքների և պարտականությունների հետ կապված դրույթները սահմանվում են նրանց կողմից զբաղեցվող քաղաքացիական ծառայության պաշտոնների անձնագրերով:
